

刁
科
下
卷
八

幼科證治準繩集之九

金壇王肯堂字泰甫輯

瘦樵程永培校

肺

錢肺主喘

實則悶亂喘促有飲水者有不飲水者

虛則哽氣長出氣

肺病悶亂哽氣長出氣氣短

喘急

肺熱手掐眉目鼻面甘桔湯主之

肺盛復

有風冷胃滿短氣氣急喘嗽上氣當先散肺後發散

風冷散肺瀉白散大青膏主之肺只傷寒則不胸滿

肺虛熱唇深紅色治之散肺虛熱少服瀉白散

肺臟怯唇白色當補肺阿膠散主之若悶亂氣壅喘

促哽氣者難治肺虛損故也脾肺病久則虛而唇

白脾者肺之母也母子皆虛不能相營故名曰怯肺

主唇白而澤者吉白如枯骨者死

此以唇診肺之法也唇白色者肺臟

怯也阿膠散主之若手等衣領及亂捻物者肝熱也宜瀉青丸手抬眉目鼻面者肺熱也宜甘桔湯之類

是也肺病見春金旺肺勝肝也當瀉肺輕者肺病退

重者目淡青必發驚更有赤者當搐

海藏云為肝怯故目淡青也

潔肺主燥自病則喘嗽燥則潤之實則喘而氣

盛瀉白散主之虛則喘而少氣先益黃散後阿膠

散主之心乘肺賊邪熱而喘嗽先地黃丸中導赤

散後阿膠散主之

肝乘肺微邪惡風眩冒昏憤嗽

羌活膏主之

腎乘肺實邪增寒嗽清利百部丸主

之

脾乘肺虛邪體重吐痰泄瀉嗽人參白朮散主

之

〔劉〕凡肺之得病必先觀心脾二臟之虛實若心

火燥金卽當先抑心氣後吃肺藥若心氣和卽便看

脾脉若脾氣虛冷卽不能相生而肺家生氣不足則

風邪易感故患肺寒者皆脾虛得之若脾氣盛實則

亦痞隔中焦而大腸與肺表裏不能相通夫中焦熱

隔則肺與大腸不通其熱毒之氣必上蒸於肺而生

痰故患肺熱者多脾實得之心氣盛者瀉之脾氣虛

肺

幼科九

何種室

者益之脾氣實者通之然後隨其肺之寒熱以治之
故有抑心氣益脾氣通肺氣三藥若診其脉氣心脾
兩臟俱和而肺自生疾則但察肺家虛實而治之
薛肺經鬱熱用瀉白散肺氣自虛用四君子湯外邪
所乘用參蘇飲心火炎燥用人參平肺散中焦實痞
用大承氣湯脾不能生肺用異功散夫肺氣盛者肺
中之邪氣盛也其脉右寸必浮而有力宜用瀉白散
以瀉之若肺虛而有熱者執肺熱還傷肺之說而不
用人參則誤矣仍參其證治之

海肺苦氣上逆急食苦以瀉之訶子皮一作黃芩

肺欲收急食酸以收之白芍藥以酸補之五味子

以辛瀉之桑白皮肺虛以五味子補之如無他

證錢氏補肺阿膠散主之虛則補其母脾乃肺之母

以甘草補脾

阿膠散

錢氏

又名補肺散

阿膠

壹兩半
熬炒

黍粘子

炒香

甘草

炙各貳
錢半

馬兜鈴

半兩
焙

杏仁

柒箇去
皮尖炒

糯米

壹兩炒

右爲末每服一二錢水一盞煎至六分食後溫服

海杏仁本瀉肺非若人參天門冬麥門冬之補也

當以意消息之薛前方乃通治肺金之劑經云

虛則補其母若前藥未應當用五味異功散以補脾

海肺實以桑白皮瀉之如無他證以瀉白散主之實則瀉其子腎乃肺之子以澤瀉瀉腎

瀉白散

錢氏

又名瀉肺散

桑白皮

細剉炒黃

地骨皮

洗去土焙各壹兩

甘草

炒半兩

右件爲末每服一二錢水一中盞入粳米百粒同煎至六分食後溫服

海治肺熱骨蒸自汗宜用此直瀉之用山梔黃芩方能瀉肺但當以氣血分之

甘桔湯

方見咽喉

大青膏

羌活膏

俱見驚搐

百部丸

方見咳嗽

人參白朮散

方見痘渴

四君子湯

方見雜病虛勞

參蘇飲

雜病發熱

人參平肺散

雜病咳嗽

一解法錄

入參平補

一木方式

四香中

一則

百清式

一

大青

咳嗽

內經曰五臟六腑皆令人咳非獨肺也皮毛者肺之合也皮毛先受邪氣邪氣以從其合也五臟之欬久乃移於六腑又病機式要云欬謂無痰而有聲肺氣傷而不清也嗽謂無聲而有痰脾濕動而爲痰也欬嗽謂有聲有痰也因傷肺氣動於脾濕故咳而嗽也又生氣通天論云秋傷於濕冬必咳嗽大抵素秋之氣宜清而肅反動之則氣上衝而爲咳嗽甚則動於脾濕而爲痰也蓋風乘肺者日夜無度汗出頭痛痰

涎不利熱乘肺者急喘而嗽面赤潮熱手足寒冷小兒多有之火乘肺者咳嗽上壅涕唾出血甚者七竅血溢燥乘肺者氣壅不利百節內痛頭面汗出寒熱往來皮膚乾燥細瘡燥痒大便秘澀涕唾稠粘寒乘肺者或因形寒飲冷冬月坐卧濕地或受冷風春秋之氣或因外感夏是火氣炎上最重秋是濕熱傷肺冬是風寒外來也宜各隨其證而治之

錢氏法

夫嗽者肺感微寒八九月間肺氣大王病嗽者必實非久病也其證面赤痰盛身熱法當以葶藶丸下之若久者不可下也十一月十二月嗽者

乃傷風嗽也風從背脊第三椎肺俞穴入也當以麻
黃湯汗之有熱證面赤飲水涎熱咽喉不利者宜兼
甘桔湯治之若五七日間其證身熱痰盛唾粘者以
編銀圓下之 有肺盛者欬而後喘面腫欲飲水有
不飲水者其身卽熱以瀉白散主之 若傷風咳嗽
五七日無熱證而但嗽者亦葶藶圓下之後用下痰
藥 有肺虛者欬而哽氣時時長出氣喉中有聲此
久病也以阿膠散補之痰盛者先實脾後以編銀圓
微下之涎退卽補肺補肺如上法 有嗽而吐水或
青綠水者以百祥圓下之 有嗽而吐痰涎乳食者

白餅子下之 有嗽而咯膿血者乃肺熱食後服甘

桔湯 久嗽者肺亡津液阿膠散補之 欬而痰實

不甚喘而面赤時飲水者可徧銀圓下之 治嗽大

法盛卽下之久卽補之更量虛實以意增損 杜氏

子五歲自十一月病嗽至三月未止始得嗽而吐痰

乃外風寒蓄入肺經令肺病嗽而吐痰風在肺中故

也宜以麻黃散輩發散後用涼藥壓之卽愈時醫與

珠粉丸半夏丸徧銀丸諸法下之其肺卽虛而嗽甚

至春三月間尙未愈召錢視之其候面青而光嗽而

喘促噎氣又時時長出氣錢曰病困十已八九然所

以面青而光者肝氣旺也春三月者肝之位肺衰之時也嗽者肺之病肺自十一月至三月肺卽虛痿又妄下之臍肺子母俱虛復爲肝所勝此爲逆也故嗽而喘促噎氣長出氣也錢急與瀉青丸瀉之後與阿膠散實肺次日面青而不光錢又用補肺而嗽如前又與瀉肝未已而又加肺虛唇白如練錢曰此病必見不可治之何者肝太旺而肺虛絕肺病不得時而肝勞之今三瀉肝而肝病症不退三補肺而肺病尤虛此不久生故言死也此證病於秋者十救三四春夏者十難救一果大喘而死京東轉運使李公有

孫八歲病嗽而胃滿短氣醫者言肺經有熱用竹葉湯牛黃膏各二服治之三日加喘錢氏曰此肺氣不足復有寒邪即使喘滿當補肺脾勿服涼藥李曰醫已用竹葉湯牛黃膏錢曰何治也醫曰退熱退涎錢曰何熱所作曰肺經熱而生嗽嗽久不除生涎錢曰本虛而風寒所作何熱也若作肺熱何不治其肺而反調心蓋竹葉湯牛黃膏治心藥也醫有慙色錢治愈東都張氏孫九歲病肺熱他醫以犀珠龍麝生牛黃治之一月不愈其證嗽喘悶亂飲水不止全不能食錢氏用史君子丸益黃散張曰本有熱何以又

行溫藥他醫用涼藥攻之一月尙無效錢曰涼藥久則寒不能食小兒虛不能食當補脾候飲食如故卽瀉肺經病必愈矣服補脾藥二日其子欲飲食錢以瀉白散瀉肺遂愈十分張曰何以不虛錢曰先實其脾然後瀉肺故不虛也

潔古法 肺之生病而成嗽大抵秋冬則實春夏則虛更詳五臟兼見之證以辨虛實若實則面赤飲水身熱痰涎盛涕唾稠粘咽乾不利喘嗽面腫吐食皆當先補脾益黃散後瀉肝瀉青丸若咯膿血是肺痿也用清肺散治之若虛則面白脫色氣少不語喉中

有聲唾痰清利法常阿膠散補之若亡津液用白朮

散主之

嗽而兩脇痛者屬肝經用小柴胡湯

發熱

咳而嘔苦水者屬膽經用黃芩半夏生薑湯咳而喉

中如梗者屬心經用甘桔湯咳而失氣者屬小腸用

芍藥甘草湯咳而右脇痛者屬脾經用升麻湯咳而

嘔長蟲者屬胃經用烏梅丸咳而喘息吐血者屬肺

經用麻黃湯咳而遺尿者屬大腸用赤石脂湯咳而

腰背痛甚則咳涎者屬腎經用麻黃附子細辛湯咳

而遺尿者屬膀胱用茯苓甘草湯咳而腹滿不欲食

面腫氣逆者屬三焦用異功散

吐瀉